

<p>Lütt Matten (<i>Volksleed</i>)</p> <p>Lütt Matten de Haas de maakt sik en Spaß un geiht to studeren dat Danzen to leren. Un he danzt ganz alleen op de achtersten Been.</p> <p>Kummt Reinke de Voss un denkt, dat's 'n Kost so flink op de Patten. Un danzt ganz alleen op de achtersten Been.</p> <p>Kumm, laat uns tosam' ik kann as de Dam de Kreih de speelt Fidel denn geiht dat kandedel. Denn geiht dat mal schön op de achtersten Been.</p> <p>Lütt Matten giff Poot de Voss bitt em doot un sett sik in Schatten verspiest uns lütt Matten. Un de Kreih de kriggt en vun de achtersten Been.</p>	<p>Putt mit Bohnen (<i>Danzleed</i>)</p> <p>Wenn hier ein Putt mit Bohnen steiht un dor en Putt mit Brie, denn laat ik Brie un Bohnen stahn un danz mit mien Marie.</p> <p>Un wenn Marie nich danzen will, denn hett se scheve Been, denn treckt se lange Steveln an, so is dat nich to sehn.</p> <p>Un wenn Marie ganz dösing deiht un seggt, se ist to mööd, denn hett se wiss blots Angst darför, ik pett ehr op de Fööt.</p> <p>Se meent, ik ga bi 't Danzen ehr all veel to deftig ran, un kann bi dat Gewöhl nich oppassen op mien Hannen.</p> <p>Se meent, ik will bi 't Danzen blots en grote lange Kuss un faat ehr dorbi ganz gewiss ok heemlich an de Bost.</p> <p>Un wenn se noch nich danzen will, denn weet ik wat ik do, denn stopp ik ehr in'n Haversack un binn em baben to.</p>
<p>Dat du mien Leefste büst (<i>Volksleed</i>)</p> <p>Dat du mien Leefste büst, wat du wull weetst. Kumm bi de Nacht, kumm bi de Nacht, segg wo du heetst.</p> <p>Kumm man üm Middernacht, kumm um Klock een, Vader slöpt, Moder slöppt, ik slaap alleen.</p> <p>Klopp an de Kameddör, faat an de Klink, Vader drömt, Moder meent, dat deiht de Wind.</p> <p>Wenn denn de Morgen graut, kreiht denn de Hahn, Leefste mien, Leefste mien, du schallst nu gahn, Leefste mien, dat deit mi Leed, du schallst nu gahn.</p>	